

CARDIFF
UNIVERSITY

PRIFYSGOL
CAERDYDD

**Y WEITHDREFN AR GYFER AIL-
GOFRESTRU CYNFYFYRWYR
GRADD YMCHWIL I'W HARHOLI**

Teitl y ddogfen	Y Weithdrefn ar Gyfer Ail-Gofrestru Cynfyfyrwyr Gradd Ymchwil i'w Harholi
Fersiwn	2.0
Dyddiad a gymeradwywyd gan y Senedd / ASQC	Cymeradwywyd gyntaf: 18.05.2021 (ASQC) Fersiwn gyfredol: 25.05.2023 (Newidiadau sylweddol)
Dyddiad dod i rym	01.08.2023
Perchennog y ddogfen	Llywodraethu Addysg (Ansawdd a Gweithrediadau PGR)
Cysylltu	pgr@caerdydd.ac.uk
Rheoleiddio Rhiant	Rheoliadau Gradd Ymchwil
Dogfennau cysylltiedig	Polisi ynghylch Cyflwyno Traethodau Gradd Ymchwil yn Hwyr

Cydymffurfio â Disgwyliadau ac Ymarferion Craidd Côt Ansawdd diwygiedig y DU ar gyfer Addysg Uwch.

Mae'r polisi a'r weithdrefn hon yn cydymffurfio â Disgwyliadau ac Ymarferion Craidd Côt Ansawdd y DU ar gyfer Addysg Uwch:

Disgwyliadau ar gyfer Safonau	Disgwyliadau ar gyfer Ansawdd
	O gael eu derbyn hyd at gwblhau, caiff yr holl fyfyrwyr y cymorth sydd ei angen arnynt i lwyddo mewn addysg uwch, ac elwa ohono.
Arferion Craidd o ran Safonau	Arferion Craidd o ran Ansawdd
	Mae gan y darparwr gyfleusterau, adnoddau dysgu a gwasanaethau cynorthwyo myfyrwyr digonol a phriodol er mwyn rhoi profiad academiaidd o safon uchel.
	Pan mae'r darparwr yn cynnig graddau ymchwil, mae'n cyflwyno'r rheini mewn amgylcheddau ymchwil perthnasol a chefnogol.

	Mae'r darparwr yn cefnogi pob myfyriwr i lwyddo yn academiaidd ac yn broffesiynol.
Arferion cyffredin o ran Aafonau	Arferion cyffredin o ran Ansawdd
Mae'r darparwr yn adolygu ei arferion craidd ar gyfer safonau yn aml ac yn defnyddio'r canlyniadau er mwyn ysgogi gwelliannau.	Mae'r darparwr yn adolygu ei arferion craidd ar gyfer ansawdd yn aml ac yn defnyddio'r canlyniadau er mwyn ysgogi gwelliannau.
	Mae'r darparwr yn ymgysylltu â myfyrwyr yn unigol ac ar y cyd yn natblygiad, sicrwydd a gwelliant ansawdd eu profiad addysgiadol.

Y Weithdrefn ar Gyfer Ail-Gofrestru Cynfyfyrwyr Gradd Ymchwil i'w Harholi

1. Datganiadau Cyffredinol

- 1.1 Mae polisi'r Brifysgol ar gyfer Cyflwyno Traethodau Gradd Ymchwil yn Hwyr yn caniatáu i Ysgol dderbyn traethawd ymchwil i'w arholi hyd at 12 mis ar ôl y dyddiad cau ar gyfer cyflwyno. Gall myfyriwr ofyn iddynt ohirio cau ei gofnod yn ystod y cyfnod 'cyflwyno hwyr' hwn, er mwyn iddo gael mynediad i'w ebost, e-gyfnodolion a TG sylfaenol, ond nid oes hawl i gael goruchwyliaeth na mynediad i gyfleusterau'r Brifysgol y tu hwnt i'r hyn a ganiateir i'r cyhoedd. Os na wneir cyflwyniad o fewn 12 mis i'r dyddiad cau, mae cofnod y myfyriwr yn cael ei gau.
- 1.2 Efallai y bydd adegau pan fydd myfyriwr gradd ymchwil wedi'i dynnu'n ôl o'i raglen astudio a bod ei gofnod myfyriwr wedi cau, ond mae wedi parhau i astudio o dan ei arweiniad ei hun ac yn dymuno cyflwyno'r traethawd ymchwil i'w arholi. Mewn achosion o'r fath, gellir caniatáu ailgofrestru at y diben hwn yn unol â Pholisïau Derbyn safonol y Brifysgol, ac fel y disgrifir isod.
- 1.3 Mae'r Weithdrefn hon yn berthnasol i gynfyfyrwr gradd ymchwil (PhD ac MPhil) y Brifysgol sy'n dymuno cyflwyno traethawd ymchwil i'w arholi, ac:
- .1 mae ei ymgeisyddiaeth (dyddiad cau ar gyfer cyflwyno) wedi dod i ben ers mwy na 12 mis, ac mae ei gofnod myfyriwr wedi'i gau; neu
 - .2 mae ei ymgeisyddiaeth (dyddiad cau ar gyfer cyflwyno) wedi dod i ben ers mwy na 12 mis, ond mae ei record myfyriwr wedi'i gau gan nad oedd wedi nodi ei fod yn bwriadu gwneud 'cyflwyniad hwyr'.
- 1.4 Mae'n rhaid i gynfyfyrwr sy'n dymuno gwneud cais i ail-gofrestru yn unol â'r Weithdrefn hon fod wedi cwblhau'r cyfnod astudio gofynnol a ddiffiniwyd ar gyfer y rhaglen y maent eisiau ailymuno ag e. (Gweler Rheoliadau Graddau Ymchwil.)
- 1.5 Dylai myfyrrwyr sydd â chofnod agored sydd eisiau cyflwyno traethawd ymchwil i'w arholi o fewn 12 mis i'w dyddiad cau ar gyfer cyflwyno, ddilyn y Polisi ar gyfer Cyflwyno Traethodau Gradd Ymchwil yn Hwyr.
- 1.6 Nid yw'r Weithdrefn hon yn berthnasol i fyfyrwr presennol y Brifysgol, nac i fyfyrwr a gofrestrwyd yn flaenorol ar raglen Doethuriaeth Broffesiynol neu MRes.

2. Gofyn am Ail-gofrestru at Ddiben arholiad

- 2.1 Er eich bod yn gynfyfyriwr, nid oes gennych hawl awtomatig i'ch traethawd ymchwil gael ei dderbyn i'w arholi. Bydd gofyn i chi wneud cais i'r Brifysgol i ail-gofrestru ar y rhaglen gradd ymchwil berthnasol, ac, os caniateir hynny, bydd angen i chi dderbyn Telerau ac Amodau Cynnig safonol y Brifysgol.

- 2.2 Er mwyn gallu ystyried eich cais i ailgofrestru, bydd rhaid i chi gyflwyno drafft diweddaraf eich traethawd hir i Bennaeth yr Ysgol, neu ei enwebai, er mwyn cynnal adolygiad cychwynnol ohono.
- 2.3 Bydd Pennaeth yr Ysgol/enwebai yn ymgynghori â'ch cyn-oruchwyliwr/goruchwylwyr a/neu aelodau eraill o staff academiaidd sydd ag arbenigedd pwnc priodol i benderfynu a allech gael eich ail-gofrestru er mwyn cyflwyno eich traethawd ymchwil i'w arholi. Penderfyniad Pennaeth yr Ysgol/enwebai fydd hyn.
- 2.4 Mae'r ffactorau a fydd yn cael eu hystyried yn cynnwys hyfywedd y traethawd ymchwil, pa mor gyfredol yw'r ymchwil, a fformat y gwaith mewn perthynas â gofynion cyflwyno'r Brifysgol ar gyfer traethodau ymchwil doethurol. Bydd argaeledd staff i asesu'r traethawd ymchwil ac i oruchwylio unrhyw gywiriadau gofynnol yn dilyn yr arholiad hefyd yn rhan o'r penderfyniad ynghylch a ddylid caniatáu ailgofrestru ar gyfer arholi.
- 2.5 Ni fydd derbyn y traethawd ymchwil i'w arholi yn rhagfarnu'r canfyddiadau na phenderfyniad yr arholwyr mewn unrhyw ffordd.
- 2.6 Os bydd Pennaeth yr Ysgol/enwebai yn penderfynu na ellir derbyn eich traethawd ymchwil i'w arholi ar hyn o bryd, ni chaniateir i chi ailgofrestru o dan y Weithdrefn hon. Gall Pennaeth yr Ysgol/enwebai, yn ôl eu disgrisiwn, eich gwahodd i wneud cais i ailymuno â'ch rhaglen gradd ymchwil gyda statws uwch, yn unol â'r Polisi Cydnabod Dysgu Blaenorol (mynediad uwch at raglen gradd ymchwil).

3. Gweithdrefnau ailgofrestru

- 3.1 Os caniateir i chi ailgofrestru at ddibenion arholi, dylech wneud cais am fynediad i'r Brifysgol, er mwyn ailgofrestru ar raglen gradd ymchwil gyda'r dyfarniad arfaethedig perthnasol.
- 3.2 Eich statws ymrestru fydd: rhan-amser, dysgu o bell. Bydd rhaid cyflwyno'ch traethawd ymchwil yn ffurfiol i'w arholi o fewn un mis calendr i'ch dyddiad ymrestru. Bydd methu â chyflwyno o fewn y cyfnod penodedig yn arwain at derfynu'r rhaglen.
- 3.3 Bydd angen ffi arholiad pan gyflwynir y traethawd ymchwil, sy'n cyfateb i'r ffi cyflwyno a godir ar ymgeiswyr sy'n staff a'r ffi ailgyflwyno a godir ar ymgeiswyr a wahoddir i ailgyflwyno eu traethawd ymchwil yn dilyn arholi am y tro cyntaf; cyhoeddir y ffi dan sylw yn flynyddol.
- 3.4 Gan mai dim ond at ddibenion caniatáu i'ch traethawd ymchwil gael ei dderbyn i'w arholi yr ydych yn ail-gofrestru, ni fydd polisïau a gweithdrefnau'r Brifysgol o ran goruchwyllo a monitro cynnydd yn berthnasol.
- 3.5 Pe bai amgylchiadau esgusodol yn codi ar ôl cyflwyno'r traethawd ymchwil i'w arholi, dylech roi gwybod am yr amgylchiadau yn unol â'r Polisi a'r Weithdrefn Amgylchiadau Esgusodol (Myfyrwyr Ymchwil).